

南漳縣志卷八

學校志一

學宮

試院

書院

義學

賓興

學宮

學額附

學田附

學宮在縣治東宋紹興二十七年建紹定中建御書閣俱燬於兵明宣德中重建正統六年知縣莊敬建明倫堂進德復禮二齋弘治十六年巡道方仁捐貲飾聖賢像新龕位帷幙十七年建蜚英閣正德十五年知縣蕭浩重修大成殿東西廡儀門櫺星門十六年鑿化龍池受福井隆慶四年知縣屈大陞重修堂齋六年知縣王可賓建射圃亭萬曆三十七年

南漳縣志

卷八

學校一

一

知縣胡麗明教諭張維禎重修殿廡露臺泮池啟聖祠初設闌干四十六年知縣李之佳天啟六年知縣李元紹續修清康熙五十年知縣白寶重修殿祠兩廡建文昌臺泮池橋更衣房五十七年知縣李瓊續修雍正九年知縣錢家暨重修殿廡禮門義路設左右闌干十二年守道魯之裕捐修崇聖祠乾隆二十三年訓導費至元捐貲改建又建訓導署於堂西工未竣遺命其子家銘繼成之二十四年教諭劉方祚建教諭署於堂東五十年知縣李芸經重修殿堂兩廡增建更衣房四楹於戟門內光緒六年知縣龍兆霖續修名宦祠在

大成門左鄉賢祠在大成門右文公祠在崇聖祠西忠義孝弟祠節婦祠俱在教諭署東

清學額廩增各二十名附生歲科兩試每次錄取八名武生歲試錄取八名咸豐八年以團練出力奏加永遠文武學額各二名因捐輸案內奏加永遠文武學額各一名同治二年復因捐輸奏加永遠文武學額各四名合原額共十五名學田十則一舞旗山地六十畝一灘頭畝地三十畝一水府廟地十六畝一清涼河地二則各三十畝一蕭家畝地十四畝一榔峪沖地十二畝一趙家營地二則一十六畝一無畝

南漳縣志

卷八

學校一

二

數一譚家山地二十畝歲收租錢一百零三串一百文除儒

學支銷外餘錢八十六串撥為書院膏火

重節邑舉人曾克唯

南漳於春秋為羅國為盧戎今靈泉寺西北王制依稀在焉秦為伊廬又為中廬至漢為臨沮中廬二縣歷東漢三國魏晉屢更名從來舊矣然皆未有學制也宋南渡紹興丁丑始建遷名所從來舊矣然皆未有學制也宋南渡紹興丁丑始建儒學紹定間增建御書閣屢經兵燹茂有存者國朝正統辛酉始建明倫堂進德復禮二齋弘治甲子於明倫堂後建英閣正德辛巳為號舍為化龍池為受福井今並廢隆慶士申又即舊射圃建書院中為講堂東西號房各十間規制大備後俱圯邑侯胡公來令吾漳未踰朞月學宮煥然改觀漳人士曰侯之神於教化也文翁治蜀何以加焉侯從容遜謝不自為功曰今日之事學博張君之制也二三子用命也余何力之有馬不佞以為不然事成於衆而隳於獨則一人任之必取淹給於閭閻而下邑嗷嗷困誑矣必不日之成如茲文移淹淹歲月矣此道旁之謀也侯何以有日之成如茲

役哉始任之二子謀方鳩工庀材會侯新至既謁廟聯茲木石
風雨與二三子謀方鳩工庀材會侯新至既謁廟聯茲木石
鱗集階下具聞繕治狀侯慨然自任曰政先教化君有司事
也敢煩下執事即出餐錢若干贖錢若干以屬張君君以屬
易生從吉羅生尚質及吾弟克大經之營之費既具材益集
於是首先聖龕位帷幙次配哲兩廡啟聖龕位皆新置之
兩廡牆屋拜臺儀門泮池橋星門初設闌干以衛防之靈先
簾簾諸祭器增飾什之七八矣諸生進而請曰以衛防之靈先
生之力嘉惠類官而文廟之梁椽欲折也瓦石欲垂也啟聖
之祠宇欲東顏西地也其何觀馬張君以語侯侯益慨然自
任曰是吾事也復捐餐錢贖至再至三視前有加張君益
復捐學俸薦紳士大夫以迨弟子員捐貲募舉金鈔粟米輻
輳已至大興工役踰時告成是役也先之戊申年九月甲戌
經始成於十二月戊辰後之己酉年四月壬子經始成於七
月戊申先後共費白金五十兩青錢九十萬曆七年八月
十斛胡侯諱麗明字紹進廣東順德人萬曆七年八月
維禎字兆父江夏人庚子鄉試萬曆三十七年秋八月
王維周李公修學記邑有長吏羣弟子所奉約東而觀表率

南漳縣志

卷八

學校一

三

者也明興功令首學校殆以父母兼師長蓋綦重哉而又設
博士專官以統之豈弟之心與鼓篋之教相濟也漳之循良
前此興學者雖更僕不能盡其最著則有內鄉王侯雙流丁
侯城固廉侯先後相望如一轍是時科額束於數耳日者閩
不之而由學使遴選以升之棘闈者僅十三四而錢穀清矜
中李侯驅車蒞漳坦夷公怒而行之以慎按籍而錢穀清矜
恤而園土空占歲而兩賜應慰安而巨寇逃諸治狀縷縷而
興教尤亟首集諸生一再試之所甄拔盡績學高等而學博
章華李君來署諭事與邑侯命題課士制藝為之一變會學
使校襄郡獨獎許漳士其賞識與邑侯學博所鑒別不爽一
二迨戊午科試檄至侯復馳郵筒極道漳士所以勸業與學
博所以課誨者果得如額科舉正數至二十人且著為永例
蓋科額不奪彼則不與此由隄而瓜功有自始侯會以計行
諸士索余文勒之貞珉以志不朽故以侯之雅意興學與諸
士之矜奮以慰侯望者鑄之他無豫學宮不具載也侯諱
之佳號玉巒福建晉江人萬曆丁酉鄉試學宮不具載也侯
見華容人萬曆丙午鄉試導節張維禎重修明倫堂記漳
李時萬曆四十六年孟冬月

學明倫堂正統辛酉創於莊侯士薦鄉書禮闈者時蒸蒸起
矣隆慶壬申王侯更加修飾癸酉而後才雋軒昂翥邑稱
文獻之區即不必堂是徵不亦與運會哉歲久堂漸圯壞
輒修稍有補葺僅完塗墍其規制不特博士諸生以之也縣
稱百年來無有議及創建者夫堂不特博士諸生以之也縣
大夫釋菜視學考課所式臨藩臬郡大夫按部采風干旄所
至止賓射則國典用彰藉令俛且逼何以光鼓篋振羣業肅
威儀暢周旋不佞署漳諭時嘗修其殿廡與昨及諸門檻語
在曾刺史記中將次第及堂之役已邇南雍去迄今幾二十
年茲堂以興與殆有時歟抑有待其人耶李侯來令漳以文
學飾吏治多士嚮風百廢釐舉更加意黌序睹所為堂則風
雨侵蝕思易飄搖而輪奐之諭王君擢自池陽博雅多幹濟
顧瞻階序慨然興復會李侯屬以增訂邑志按沿革建置以
堂為請侯躬臨勸視刺匠石嚴督程費不請公帑役不及坊
市捐俸為之贊理邑薦紳士趨馬王君手營心畫又加助俸錢
訓趙君為之役也邑人羅比部君實倡其議棟椽增其舊
冬明年堂成是役也邑人羅比部君實倡其議棟椽增其舊
三之一俛更而高明逼更而爽豁廓如也繹聖祖顏堂名義

南漳縣志

卷八

學校一

四

要於敦本而崇實刊華而去佻厚其所儲慎其所發今茲更
始維新徽國家養士之寵靈邑侯作育之德意師長勞勩之
苦心機乘會邁當必有真儒名世應運而興不佞將卜信於
斯堂冷生會春試明經至鄂城備述本末更徵不佞之言不
佞昔幸而任事有一日於諸君子竟所未竟徵惠於李侯王
君且不朽因附六金佐其役次第其語授之以詔來茲李侯
名元紹南豐人王君名嘉瑞泗州人趙君相如江陵人薄熊
君文煥安義人謝君賜達汀州人尉蔡君時臣南昌人程君
國鑑舒城人皆捐貲助工法得並書天啟七年歲在丁卯孟
秋年費家銘新建崇聖祠記文廟之制向建有啟聖祠雍正
元年追崇至聖五代王爵改稱崇聖祠典綦重矣乾隆丁丑
秋銘先君恭膺簡命秉鐸漳邑受篆後謁崇聖祠行釋奠禮
畢仰見棟宇欹斜垣頹幾不足以前縣尹山陰劉君鴻然不
安旁有石泐細閱之始知舊祠創於前縣尹山陰劉君鴻然不
熙丙寅歲未及竣工即陞擢以去又斯邑初無訓導署廣文
先生相沿寄居祠內先君心愈不安蒞任伊始未便釀金於
多士因於小陽之月捐俸庀材夙夜監修又時分題校士勤
宣聖諭漳邑人士羣相愛戴慶得良師時屆嚴冬始暫輟工

戊寅春初雨雪連綿方冀陽和景明再興工作詎意三月七日先君壽終易簀時遺命銘兄弟繼成未竟之志銘等跪受教未敢一刻忘初夏扶櫬歸里適郡中士紳舉先君孝行迨歲暮水落不通舟楫今已卯夏五銘敬遵遺命飛權來漳以先君之志請於邑侯劉君侯詳太守陳君極邀譽美並將二事載入襄陽郡志銘客漳凡四閱月成正祠三間更衣廳三有費鉅三百兩有奇績成訓導署於祠左後之秉鐸於茲者間費鉅三百兩有奇績成訓導署於祠左後之秉鐸於茲者於九年也落成之日劉侯命銘記其顛末於石乾隆二十四年蒞茲土知縣劉有洪跋司訓費公修祠未竣費志以歿余時數百金而來以成先志鳩工四閱月聖祠聿新學署具舉夫公既以孝舉於鄉郡而嗣君家銘又不憚勤勞克成先志并聞其居喪也三年茹苦寢於喪次世篤孝義之行皆可傳以風世焉爰囑嗣君自為記予特書其後以表之節知縣李芸經重修文廟記教養政之大綱也而緩急先後之節今與古竊有異古者既富方穀欲教民必先養民其道均自操之逮及後世養猶可俟民自為謀而教專責成在上何也

南漳縣志


卷八

學校一

五

井田壞而民習世業隴畝耕作大抵傳之祖父守之子孫衣食所需切於性命非甚不肖鮮有甘荒於嬉者至於德行道藝之化必上之入多方誘迪設師儒以董勸之節禮樂以淑陶之而後斯民有所鼓舞而不倦故教之在今日視養為尤要也漳邑文廟之建由來舊矣歲久傾圮幾無以妥聖靈而昭祀享宜乎文風抑塞百餘年科甲無人乎予方籌所以新之適紳士以修書院請欣然捐廉為倡未匝月得錢數千緡因思書院有養人才而文廟尤根本之地實人才所從出於是乎議修書院先事文廟鳩工庀材朽壞者補葺之湫隘者恢擴之自大成殿以及東西廡明倫堂與夫名宦鄉賢祠塗茨丹雘煥然改觀又於戟門內兩旁添設更衣房四楹每朔望及春秋舉行祀典於戰門內兩旁添設更衣房四楹每朔而肅體統矣而漳士於此不更當入廟思敬緬想乎詩書琴瑟之遺涵濡薰陶而身心丕變哉夫事有因此而及彼者今文廟之修因書院及之而其告成乃在書院之前蓋有見於古人入學必先釋菜報本返始所以推崇先師之意當如是也

學宮圖



南漳縣志

卷八

學校一

試院

試院在縣治西清道光十八年知縣李景頤建二十三年知縣姜國祺重修同治四年知縣沈兆元增設號橙光緒二十四年知縣姚濟昌重修今改為公廨

書院

沮漳書院在縣治西清乾隆二十四年知縣劉有洪購民房改建歲捐束脩銀五十兩又捐銀一百兩交邑士劉正倫等歲收息銀二十兩又撥義田租銀三十兩五錢供膏火後改為義學尋廢

劉有洪新建沮漳書院記南漳為古臨沮縣地處萬山之中今境內週八百里明洪武丁卯主

政劉永貞知縣王祥以同榜登科嘉隆而後通參劉曰乾提
學周夢賜相繼成進士萬曆癸未主政魯黜知縣陳一言復
以同榜並登甲第人文亦嘗稱盛矣自流賊亂離削平以後
餘孽竊踞山中數年而始定今國家休養生息百有餘年田
疇既闢生齒日繁而士之崛起科目者不少概見則有司之
化導未周也今聖天子加意作人自學校教育而外莫不創
立書院延名師朝夕董率使多士相觀而善離經辨志敬業
樂羣由小成以底大成厥功懋焉南漳地瘠民貧蒞茲土者
又不克久於其任遂至書院之設缺焉未備予以丁丑秋承
乏茲邑蒞事之明年商於紳士秦孔麟曾世若聶起鵬劉正
倫等捐貲購署西趙漢房屋一所創立書院予為捐俸修整
定其名曰沮漳書院攷左傳云江漢沮漳楚之望也夫漢水
會歸於江故省會書院以江漢沮漳邑地多崇山峻嶺
然漳水之源出於荆山沮水以為名固稽諸經傳而有古今縣
皆取表於二水今合二水以為名固稽諸經傳而有古今縣
時地而咸宜矣慨予蒞任之初歲試生童不滿二百今則蒸
蒸日起幾可倍焉則應運以興者殆將日起而有功夫興賢
育才以仰答聖朝之雅化守土之責也後之人無怠無荒而

南漳縣志

卷八

學校一

七

振興鼓舞以觀厥成不亦休哉爰紀其建始之由於碑至末
脩膏火之資有出自義學田租者有出自捐貲生息者以及
院基之四至講堂學舍之規制捐貲紳士
之姓氏俱詳列於後以為將來之考據焉

鳳山書院在縣治西北城外鳳凰山清乾隆五十七年知縣

李芸經建

今改高等小校

經費田十四則一木峪里古烟臺地四段歲收租穀一百二

十石一田家營地三段租穀二十四石一高坪頭地二段租

穀三十石一張家營地四畝五分租穀八石一汶陽寺地十

五段租錢四十三串三百文一湯家堰地二段五十二畝租

穀八十石一黃家院地一段租錢一十八串一當羅家灣地

一段租錢一串五百文一羅家灣地八畝租錢六串一汪家
 廠地二畝租穀三石五斗一鳳凰山西地二畝一鳳凰山左
 溝地一段二處未注租入一紅花臺地三段二十二畝租錢三十串
 一官蕩溝地十四畝租錢十九串外房屋二所一知縣劉有
 洪購城內西街屋一所租錢十七串一當房一所租銀十兩
 八錢舊志府志同又田三則一吳家集地一段歲收租錢五百文
 一般若寺地一段租銀一十五兩八錢一和尚沖地一段租
 銀一兩二錢清光緒府志知縣李芸經新建鳳山書院記
 邑歲各設學董以師儒之官復於省會之區建立書院歲發
 帑金以充膏火督撫大僚以及守牧亦皆仰體德意諭各郡

南漳縣志

卷八

學校一

八

邑開館延師期以推廣聖天子作人雅化百五十年來人文
 蔚起炳耀日星猗歟盛哉從古所未有也庚戌夏予恭膺簡
 命分符楚北之南漳襄陽古稱名區碩德耆舊光昭史冊漳
 邑去郡百里荆山沮水流峙其間風聲之所被與靈淑之所
 鍾意必有才人傑士接踵而興及下車觀風問俗並閱郡志
 自入春秋以來代產賢哲前明甲科尤稱極盛國朝自順治
 辛卯王肇錫登賢書後闕無人焉學宮猶存弟子員如故何
 文運不振若是豈士不立志頓殊於古歟要亦官斯土者簿
 書鞅掌無暇於學校之興也夫明道先生宰晉城擇邑之俊
 秀而教導之至於親為正句讀禮樂之化達乎隣境教固為政
 之要寧以一邑之小而忽諸漳地週八百里疆宇遼濶獄訟
 繁多案牘有積至數年未結者予蒞任之初力為洗剔未數
 月而漸覺清理擬欲建立書院適邑之紳士以是請予欣然
 曰是子之責也急捐俸為倡並勸諭十都士民各捐貲得銀
 五千六百六十兩市良材陶堅甃鳩廠工誦日維吉擇紳士
 之老成正直者董其役予亦時身自簡稽在事無偷惰者未
 及一載而告成地居縣西門外之鳳山因額之曰鳳山書院
 中起講堂三楹講堂之後為聚書樓東西翼以齋房各十二

間前設頭門對面建奎閣而營梓潼祠於後規制井然庶足為諸生藏修息游之所非徒侈壯麗而飾觀瞻也以其捐貲之餘置田若干畝歲入課銀三百六十餘兩足供生徒脩膳膏火之費延請名師為之訓課更嚴設規條以端其趨意者人才久鬱未宣斯其不振之機耶抑朝廷興賢育才之澤不宜偶遺於山陬下邑而使予得觀其成耶自是諸生肄業其中爭自琢磨務期文行並修不愧為明體達用之學將見馮翼孝德生玉國而為邦家光如卷阿之鳳和其聲以鳴盛世之休又如山之出雲為霖為雨而澤潤蒼生是予之所厚望也寧鄉劉公先予宰漳時購署西民房以為義學經費無多規模狹隘予欲就其基而恢廣之諸生咸云鳳山為邑之來龍過峽形勢較勝且遠塵囂請移建焉因其屋招租而取資膏火劉公有知其亦鑒予之忱而樂予之克竟其志也工成爰紀其事其田畝之座落生童之課額以及束脩膏火之常數並捐貲督工之姓氏俱詳列於碑陰後之人知所考據守而弗失或更光大之尤予之志也夫

宏文書院在武安鎮朝陽門內舊為文廟清光緒九年知縣

南漳縣志

卷八

學校一

九

朱滋澤改建書院撥上關帝廟地一段座落鎮東門外歲收租錢二百餘串供膏火

今改乙種商校

義學

城東關義學在普濟寺西清道光八年建江勳治捐銀五百兩置買寺傍船灣二處田歲收租錢四十八串

吉相庵義學在木峪里監生劉夢卜捐當置田二分價一百

一十七串

未注租入

八都河義學職員李大本監生李大年庠生李大德公捐房屋九間園地一區查家沖水田十五畝旱地五畝歲收租穀

三十五石

雙樹沖義學職員鍾泰捐房屋一所五童廟傍水田十五畝
旱地六畝歲收租錢三十八串又廩生王霖雨捐洲田十五
畝附入歲收租錢二十串

丁家集義學蔡占甲蔡占元武生蔡占魁公捐房屋五間園
圃二段又房屋十三間園圃四段歲收租錢共三十六串

德祿堡義學童生別楚環捐錢四百一十串存典歲收息錢
四十九串四百文

三郎廟義學童生劉德本捐房屋一所旱地二十畝園地十

南漳縣志

卷八

學校一

十

畝歲收租錢三十八串

以上六處府志俱作道光五年

九仙觀義學武生劉楚材捐房屋一所彭家沖水田一分旱

地一段三郎廟旱地一段歲收租錢四十串

府志無舊志未載年月

周家灣義學清光緒五年職員周金步周金銓周金鈞公捐

未注田款租入

馬良坪義學清光緒十年興山縣客民蔡天爵捐錢四百串

邑人孟文林捐錢一百串置買田房

未注租入以上二處光緒府志今並廢

賓興

公車附童試各款附

邑賓興款目凡十六則一清道光十八年李銘捐劉家集水

田二十四畝歲收租穀四十三石二斗優貢生向寅等續捐
錢買水田十畝並買集中地一段創建興賢館單文恪有記
詳金石門後又買水田八畝五分合於十畝歲收租穀三十二石
五斗一道光二十三年知縣姜國祺募捐錢一千六百串存
典生息咸豐五年改置清泥灣周家營水田四十畝歲收租
穀七十七石清泥灣金家廟水田二十六畝歲收租穀五十
二石一魯秉周捐五穀廟水田四畝歲收租穀四石小麥一
石二斗一武生劉志德捐聞家沖水旱地一分歲收租穀三
石一吳家園水田四畝歲收租穀二石小麥六斗一從九品

南漳縣志

卷八

學校一

十一

凌霄漢捐城北園田一分歲收租穀五十串一節婦張徐氏
捐榔榆沖水田二十二畝旱地五畝歲收租錢二十二串一
螺螄溝水田六十一畝洲地四十三畝原佃戶頂莊多租入
少歲貢生廖鈞等捐錢四百一十串減少頂莊錢歲收租穀
一百石錢八串右田六則捐置年舊志闕一光緒九年耆民趙相捐潘家
坪水田十三畝歲收租穀二十二石一香花庵尹家河水田
一百一十五畝旱地十七畝洲地六十畝年同上知縣朱滋澤判充一花
園水田一十一畝五分光緒四年買一魯家開水田五畝五分一
團兒山水田二畝五分俱二十年買一大堰沖水旱地一分一張

家河水田一十七畝旱地三十九畝俱張雷氏捐一羊耳山水田

七畝旱地一十四畝周金聲捐右田七畝則據冊契纂錄原租入未詳

優拔貢生朝考公車每名二十串由賓興項下撥給

童試卷費歲科每試禮房錢一百三十串歲試兵房錢一百

串由書院賓興兩款項下撥給舊志

童試歲科新生院費每名九串六百文清光緒十六年節婦

張譚氏庠生理晟妻捐向家集之蒿柴堰水田一百一十一畝歲

收租穀一百一十八石六斗媳張徐氏庠生學義妻續捐蒿柴堰

水田八十一畝租穀一百零八石四斗邑舉人郭士元有記

南漳縣志

卷八

學校一

碑存舊院中誥職張慶榮復捐向家集水田六十七畝洲地三十

畝貢生張銘鈞捐向家集水田五十畝洲地四十畝以濟不

足訪冊未注租入

學師印卷費清光緒二十二年誥職張慶榮監生周輔堂等

倡募捐錢六萬餘串購置田三十二則一清泥灣長樂堰水

田十四則一百一十畝零五分一清泥灣咸寧司馬二堰水

田六則七十二畝五分旱地一段一木林塆森豐堰水田二

則一十六畝一彭家營汪家堰水田四則四十四畝洲地一

段一泗渚河水田七十八畝五分一廖家坪雙豐堰水田三

十畝一羅家灣永豐堰水田五畝五分一龍門集胡家堰水田二十一畝一荷葉溝水田四畝三分一石牌坊旱地一分又姚家灣房屋一所任瀛輝捐老官廟安樂堰水田三十二畝三分王有鼈捐花園長樂堰水田四畝五分劉文修捐彭家營旱地一分鄭氏公捐胡家棚水田一畝仙女山道士葉明仙捐趙以登施給丁家集水田八畝旱地十二畝歲共收租訪冊未注歲科兩試新生印卷費縣學每名六十串府學每名七十二串